



ANG Bayan

PAHAYAGAN NG PARTIDO KOMUNISTA NG PILIPINAS
PINAPATNUBAYAN NG
MARXISMO-LENINISMO-MAOISMO

Ispesyal nga Isyu

Edisyong Hiligaynon

Marso 29, 2002

Magpreparar batuk sa dugang nga pagpanghilabot militar sang US, pasingkion kag iabanse ang inaway banwa!

**Mensahe sa
ika-33
Anibersaryo
sang Bagong
Hukbong Bayan**

*Ni Armando Liwanag,
Tagapangulo
Komite Sentral
Partido Komunista
ng Pilipinas
Marso 29, 2002*

Sa ika-33 anibersaryo sang pagtukod sang Bagong Hukbong Bayan (BHB), nagasaludo kita sa tanan nga Pulang kumander kag hangaway kag ginapadunggan ang tanan nga mga rebolusyonaryo nga martir kag bayani sa tanan nga ila maukod nga paghimakas kag mga sakripisyo sa pag-alagad sa banwa.

Ang Bagong Hukbong Bayan nagaserbi subong nga masanag nga rebolusyonaryo nga instrumento sang proletaryado kag pumuluyo agud agawon ang pagginahum nga pangpulitika kag pangapinan ang mga demokratiko nga organo sang pagginahum nga pangpulitika. Ginapat-ud sang hangaway sang banwa ang pag-uswag sang demokratiko nga gubyernong banwa sa kaumhan bisan samtang nakatrentsera pa ang mga reaksyunaryo sa kasyudaran.

Kapin tatlo ka siglo nga nagbato ang pumuluyo nga Pilipino agud mahilway halin sa kolonyal nga paghaharing Espanyol. Kapin isa ka siglo nga nila nga ginabatuan ang imperyalistang dominasyon sang US kag mga lokal nga reaksyunaryo kag pagapadayunon nila ini.

Sa nagligad nga 33 tuig, gintatap kag ginpauswag nila ang kaugalingon nga rebolusyonaryong hangaway. Ini hangaway nga bantog sa pagpaslaw sa mga pagtinguba sang imperyalismong US kag mga lokal nga reaksyunaryo nga daug-daugon ang rebolusyon. Upod ini subong sa pinaka mga sampaton nga hangaway sang banwa sa kalibutan.

Ginabugno naton ang Bagong Hukbong Bayan sa tanan nga kadalag-an sa pulitika, militar kag organisasyon nga naagom sini sa pagpamuno sang Partido Komunista ng Pilipinas sa demokratikong rebolusyong banwa batuk sa imperyalismong US kag mga lokal nga manoghimulos nga sahi sang dalagku nga kumprador kag agalon nga mayduta.

Mga kadalag-an sang Bagong Hukbong Bayan

Ginabugno naton ang Bagong Hukbong Bayan sa tanan nga kadalag-an sa pulitika, militar kag organisasyon nga naagom sini sa pagpamuno sang Partido Komunista ng Pilipinas sa demokratikong rebolusyong banwa batuk sa imperyalismong US kag mga lokal nga manoghimulos nga sahi sang dalagku nga kumprador kag agalon nga mayduta.

Ang mga kadalag-an nga ini bunga sang Ikaduhang Dungganon nga Kahublagan sa Pagpanadlong kag sang liwat nga pagpalig-on sa pangkabiligan nga linya sang bag-on demokratikong rebolusyon paagi sa malawigan nga inaway banwa batuk sa nagahari nga sistemang malakolonyal kag malapyudal. Ang perspektiba ipundar kag tukuron ang sosyalismo sa Pilipinas tubtob sa malutos na sang katauhan ang imperyalismo kag malabot ang pinaka katuyuan nga komunismo.

Napaslawan kag nalutos sang kahublagan sa pagpanadlong ang mga kontra-rebolusyonaryo nga opensiba sang mga imperyalista kag lokal nga reaksyunaryo, mga indi magtadlong nga “Wala” kag Tuo nga oportunisto, rebisyunista kag likidasyunista kag tanan nga klase sang kontra-komunistang petiburges, upod ang burges liberal, populista, Trotskyista kag iban pa.

Ang pila lang nga indi magtadlong nga oportunisto kag rebisyunista kag mga masupog nga kriminal, labi nga yadtong mga responsable sa madugo nga *witch hunt* (paglagas sa ginadudahan nga mga espiya) kag mga malala nga kaso sang pagpangawat sang pondo napahalin na sa rebolusyonaryo nga kahublagan kag pila sa ila naghayag na bilang mga traitor sa rebolusyonaryo nga kawsa paagi sa hayagan nga pagka mga ahente sang reaksyunaryong gubyerno, labina sa mga ahensya sang *psy-war* kag panilag.

Salamat sa kahublagan sa pagpanadlong, nag-agom ang pumuluyo kag mga rebolusyonaryong pwersa sang mga palanog nga kadalag-an sa tanan nga porma sang paghimakas, ligal kag iligal, armado kag indi armado. Ang pinaka importante nga kadalag-an ara sa dugang pa nga pagbilog sang hangaway sang banwa kag pag-abanse sang inaway banwa. Ang mga pag-abanse sang hangaway sang banwa nagahatag-kaseguruhan sa mga pag-abanse sang bilog nga rebolusyonaryong kahublagan nga masa.

Sa pag-usoy sa subong nga hut-on sang estratehikong depensiba, nagalunsar ang BHB sang lapnagon kag masunson nga gerilya nga pagpakig-away base sa nagapalapad kag nagapadalum nga baseng masa. Ang integral nga kumbinasyon sang rebolusyonaryong armado nga paghimakas, reporma sa duta kag pagtukod sang baseng masa (upod ang mga organo sang pagginahum nga pangpolitika kag mga organisasyong masa) nagkatag sang malig-on nga basehan nga kontrapyudal sang bag-on demokratikong rebolusyon sa pagpamuno sang proletaryado.

Nagalab-ot sa libu-libo ang kabilugan nga isip sang mga Pulang hangaway, katumbas sang pila ka rehimyento ukon brigada. Nagdaku ini sang 222% halin 1980 tubtob sa 2001 kag sang 53% halin 1994 tubtob sa 2001. Ang isip sang mga matag-as nga kalibre nga riple nagalab-ot man sa libu-libo kag

nagdaku sang 197% halin 1980 tubtob sa 2001.

Ang proporsyon sang mga Pulang hangaway sa mga mabaskog nga riple 1.5 sa isa (1.5:1). Ang mga pultaym nga Pulang hangaway sang BHB ginadugangan sang mga yunit milisya nga nagaserbi nga lokal nga pwersang pulis sang rebolusyonaryong gubyerno kag nagaserbi nga suporta kag reserba nga pwersa sang hangaway sang banwa. Ginadugangan pa sila sang mga yunit sa pagdepensa-sa-kaugalingon nga ginakomposar sang tanan nga kalalakin-an kag kababainhan nga may sampaton nga panglawason sa mga organisasyong masa.

Agud padakuon ang ginasiling sining kadalag-an kontra sa hangaway sang banwa sadtong ikaduha nga tunga sang dekada 1980, ginapahabok sang pangontra sa 25,000 ang isip sadto sang mga Pulang hangaway nga may mga mabaskog nga riple. Indi matuod ang isip nga ini. Indi nagsobra sa 6,000 ang mga riple sang BHB sadtong 1985 bag-o pa man maases ang kahalitan-sa-kaugalingon nga tuga sang Kampanyang Ahos sa Mindanao.

Ang pangbato nga ikasarang sang mga pultaym nga Pulang hangaway dapat ginipunuan sang mga lokal nga milisya, mga yunit sa pagdepensa-sa-kaugalingon kag sang baseng masa sa kabilugan. Tigaylo, ginpaluya ini sang linya sang “estratehiko nga kontra-opensiba”, sang linya sang “Pulang Areya-Puting Areya” sa Mindanao kag iban pa nga “Wala” nga oportunistika nguyog sa lain-lain nga rehiyon sa lain-lain nga panahon.

Hungod nga nakaangot ang paglapad sang BHB sa paglapad sang Partido. Ginapakita sang pinakaulihi nga datos nga ang Partido naglapad sang 235% halin 1980 tubtob sa 2001 kag sang 129% halin 1994 tubtob sa 2001. Sa Pulang hangaway, may 3.5 katapu sang Partido nga ara sa sulod kag guwa sang mga larangang gerilya.

Napauswag sang Partido ang kahublagan nga masa pareho sa kaumhan kag kasyudaran. Halin sa kahublagan nga masa sa kaumhan nagakuha ang BHB sang mga Pulang hangaway, nga kadam-an mangunguma. Halin sa kahublagan nga masa sa kasyudaran, nabuyok sang BHB ang mga mamumugon kag mga pamatan-on nga nakatuon agud magserbisyo sa kubay sini kag sa pumuluyo sa kaumhan.

Nagahulag subong ang BHB sa 128 larangang gerilya. Nagasakop ang mga ini sa 823 ukon 54% sang kabilugan nga isip sang mga banwa kag syudad sa Pilipinas. Sakop sini ang 8,500 baryo ukon 18% sang kabilugan nga isip sang mga baryo sa Pilipinas. Ang isip sang mga baryo nga ginahulagan sang BHB nagdaku sang 71% halin 1980 tubtob sa 2001 kag sang 28% halin 1994 tubtob sa 2001.

Nagdaku sang 71% ang katapuan sang mga organisasyong masa (organisado nga baseng masa) halin 1980 tubtob sa 2001 kag sang 235% halin 1994 tubtob sa 2001. Bisan man, nagatiyabaw ang kinahanglanon nga padakuon ang katapuan sang mga organisasyong masa relatibo sa mga indi organisadong tagasuporta kag simpatisador. Pila ka beses nga mas madamo ang masang tagasuporta kag simpatisador kumpara sa mga nangin katapu sang mga organisasyong masa.

Kinaandan nga duha ka platin sang BHB ang nagahulag sa kada larangang gerilya. Ang daan nga mga larangang gerilya may indi kulangon sa tatlo ka

Napauswag sang Partido ang kahublagan nga masa pareho sa kaumhan kag kasyudaran. Halin sa kahublagan nga masa sa kaumhan nagakuha ang BHB sang mga Pulang hangaway, nga kadam-an mangunguma. Halin sa kahublagan nga masa sa kasyudaran, nabuyok sang BHB ang mga mamumugon kag mga pamatan-on nga nakatuon agud magserbisyo sa kubay sini kag sa pumuluyo sa kaumhan.

Nakonsidera sa daku kag sami sang mga taktikal nga opensiba ang kinahanglanon nga padakuon ang kusog-armas sang BHB kag palaparon kag konsolidahon ang baseng masa lapaw sa ikasarang sang pangontra nga waskon ini.

platun, samtang mas gamay yadtong sa mga mas bag-o. Ang isa ka platun kinaandan nga nagasakop sang tatlo ka banwa kag ang isa ka iskwad nagasakop sang mas ukon menos 11 baryo.

Sa isa ka larangang gerilya, kinaandan nga may isa ka platun nga nagaserbi nga sentro de grabidad kag isa ukon kapin pa nga platun nga mas nakadispers. Relatibo nga konsentrado ang platun nga nagaserbi nga sentro de grabidad agud epektibo sining mapatigayon ang mga katungdanan nga ginamandu diri sang kumand sang larangang gerilya.

Sa mga taktikal nga opensiba, pwede nga pun-an sang nagapanguna nga yunit gerilya ang armadong pwersa sini kag pagka eksperتو sa tereyn paagi sa pagtingob sa mas nakadispers nga mga sekundaryo nga yunit gerilya. Nakonsidera sa daku kag sami sang mga taktikal nga opensiba ang kinahanglanon nga padakuon ang kusog-armas sang BHB kag palaparon kag konsolidahon ang baseng masa lapaw sa ikasarang sang pangontra nga waskon ini.

Ang pinakakonsolidado nga mga baryo may regular kag napisilian nga mga organo sang pagginahum nga pangpolitika nga nakabase sa mga lubos nga rebolusyonaryong organisasyong masa. Ang mga baryo nga mas manubo ang lebel sang konsolidasyon may mga komite nga pang-organisa sang baryo nga nagatindog nga pinili nga temporaryo nga organo sang pagginahum nga pangpolitika kag mga komite nga pang-organisa kag grupong pang-organisa sang pumuluyo. Sa mga baryo nga ginapalaparan sang hangaway sang banwa, ginatatap kag ginapauswag ang mga likom nga kontak, grupo nga tagpaangot kag grupo nga pang-organisa.

Mapagsik kag madinalag-on nga naiabanse ang yabi nga kampanya sa reforma sa duta sa mga konsolidadong lugar. Ang iban pa ginapasakupan sang mga kampanya sa edukasyong masa, pagpauswag sang produksyon sa agrikultura kag supplementaryo nga pangabuhian, pagtatap sa ikaayong lawas sang pumuluyo, pag-abanse sang mga aktibidad nga pangkultura, paghanas sa milisya kag yunit sa depensa-sa-kaugalingon, pagsolbar sang mga away sa kubay sang masa kag iban pa.

Palangga sang pumuluyo ang hangaway sang banwa. Ginahatag nila ang ilang pinaka mga maayo nga anak agud magserbi sa hangaway nga ini. Nagaamot sila para sa pagmentinar kag pagpalapad sini. Ginabuligan nila ang mga pamilya sang mga Pulang hangaway. Nadugangan ang ilang handum kag ikasarang nga magsuporta sa hangaway sang banwa kon nagabenepisyosila sa reforma sa duta kag iban pa nga kampanyang masa.

Nagahiwat ang BHB sang produksyon agud sangkapan ang bahin sang kinahanglanon sini luwas pa sa mga kontribusyon sang masa. Ang kinahanglanon sang BHB sa armas kag iban pa nga pagkabutang nga panginaway nasabat paagi sa mga madinalag-on nga taktikal nga opensiba batuk sa mga pwersa sang pangontra. Ang BHB man ang epektibo nga instrumento sa pagpatuman sang polisa sa pagbuwis sang demokratikong gubyernong banwa.

Kapin bisan san-o, naipasaka sang Bagong Hukbong Bayan ang lebel sang rebolusyonaryong kamuklutan kag pangbato nga ikasarang sini. Sa kasaysayan sang pumuluyo nga Pilipino, kasan-o man indi nag-angkon sang

rebolusyonaryo nga hangaway nga pareho kapag-on, pareho ka matinugahon kag pareho kapisan sang Bagong Hukbong Bayan sa pag-abanse sang inaway banwa agud lubuson ang bag-ong-demokratikong rebolusyon.

Nakaagom ang Bagong Hukbong Bayan sang manggaranon nga inagihan kag armadong kusog sa inaway banwa. Preparado gid ini kontra sa mga kampanyang militar sang pagdaug-daog nga ginahiwat sang lokal nga mga reaksyunaryo subong man, kontra sa direkta nga pagpanghilabot militar sang US. Preparado ini nga maglunsar sang inaway sang pungsudnon nga pagpahilway batuk sa gyera sang pagpanalakay sang US.

Paborable nga mga kundisyon sa kalibutan

Ang obhetibo nga kahimtangan sa kalibutan tuman ka paborable sa pag-abanse sang rebolusyong Pilipino. Napamatud-an nga bangkarote ang pagtipyk sang US sa polisa sang globalisasyon sang “mahilway nga balaligyaan”. Napalala sini ang mga problema nga indi nasolbar sang mga imperyalista paagi sa polisa nga maka-Keynesian tubtob sa naulihi nga babin sang dekada 1970. Sa sulod lamang sang duha ka dekada halin 1980, naduso sang subong nga pagkambyo sa neoliberal nga polisa nga globalisasyon sang “mahilway nga balaligyaan” ang pangkalibutanon nga sistemang kapitalista sa pinakamalala nga krisis halin sadtong Great Depression.

Sa indi pa natupungan nga kadasigon, sobra sining naikonsentra kag naisentralisa ang kapital sa pinansya sa nagapanguna nga imperyalistang pungsod, ang US. Pero ang pungsod nga ini ginabayu subong sang krisis sa sobra nga produksyon sa tanan nga klase nga produkto kag sang pagkahulog sang pinansya (*financial meltdown*). Halin sa paglupok sang “bula nga *high-tech*” tubtob sa sa pagkabangkrap sang kumpanyang Enron, nga pinakadaku sa kasaysayan, nabuyagyag ang oligarkiya sa pinansya sang US bilang higante nga manogtonto nga nagakawat sang mga pondo nga pangpensyon kag ipon sang tuman kadamo nga pumuluyo.

Ang pagkahulog sang “bag-o nga ekonomiya” sang US sa nagligad nga duha ka tuig nagresulta sa lapnagon nga pagkaguba sang ekonomiya kag pinansya, sa kahalitan sang proletaryado kag pumuluyo sa mismong US kag sa bilog nga kalibutan. Nagalala ang malawig nga krisis sa Japan. Ang sakop sang Euro—ang European Union—nagaagi man subong sang grabe nga krisis. Ang pinakamalala nga nabiktima ang pumuluyo sa ikatlong kalibutan kag mga pungsod sa daan nga blokeng Sobyet.

Ang nagahari nga hubon nga Bush wala matanyag nga solusyon sa nagalala nga krisis luwas sa dugang pa nga dosis sang pareho nga “neoliberal” nga hilo, nga ginpatungan pa sang iskema para sa dalagkuhan nga pagpatag-as sang produksyon militar kag gastos sang gubyerno para sa militar kag pungsudnon nga depensa. Labi nga nangin mapanggyera kag sobra nga mapangduda ang US matapos ang mga atake sa World Trade Center kag Pentagon sadtong Setyembre 11.

Agud sa paglunsar kuno sang pangkalibutanon nga gyera kontra sa

Sa sulod lamang sang duha ka dekada halin 1980, naduso sang subong nga pagkambyo sa neoliberal nga polisa nga globalisasyon sang “mahilway nga balaligyaan” ang pangkalibutanon nga sistemang kapitalista sa pinakamalala nga krisis halin sadtong Great Depression.

Ang malala nga krisis sang US kag sang pangkalibutanon nga sistemang kapitalista nagahatag sang makangilil-ad nga pagpaantus sa malapad nga masa sang pumuluyo. Apang ang mismo nga pagsingki sang pagpamigos kag pagpanghimulos nagaduso sa pumuluyo nga maglunsar sang mas madamo nga aksyong protesta kag rebolusyonaryo nga pagbato.

terorismo, gin-aprubahan sang US ang Patriot Act kag iban pa nga mapangdaog nga layi kag tikang kag ginduso ang pareho nga mga pasista nga layi sa bilog nga kalibutan. Ginatinguhang propaganda sang US nga mangsulsol kag magsustine sang isterya agud iabanse ang pasismo kag suportahan ang mga gyerang agresyon sang US.

Ang malala nga krisis sang US kag sang pangkalibutanon nga sistemang kapitalista nagahatag sang makangilil-ad nga pagpaantus sa malapad nga masa sang pumuluyo. Apang ang mismo nga pagsingki sang pagpamigos kag pagpanghimulos nagaduso sa pumuluyo nga maglunsar sang mas madamo nga aksyong protesta kag rebolusyonaryong pagbato.

Apat ka mayor nga kontradiksyon ang nagsingki sa lain-lain nga kadasigon. Ang mga ini yadtong sa tunga sang mga imberyalistang pagginahum kag mga pigos nga pungsod kag pumuluyo, sa tunga sang mga imberyalistang pagginahum kag mga pungsod ukon estado nga nagapanagil-ot sang pagkinaugalingon, sa kubay mismo sang mga imberyalistang pagginahum kag sa tunga sang monopolyong burgesya kag proletaryado sa mga imberyalistang pungsod.

Sa idalum sang makatiliplang nga islogan sang globalisasyon sang “mahilway nga balaligyaan”, ang kamatuoran naggamay ang pangkalibutanon nga balaligyaan sa nagligad nga duha ka dekada. Ang direkta nga pagpangcapital kag baligyaanay labi pa nga nakonsentra sa kubay sang US, Western Europe kag Japan. Nag-ilig ang kapital halin sa kalinigwin sang pangkalibutanon nga ekonomiya pakadto sa mga sentrong ini sang kapitalismo, nagapanguna na sa US, sa forma sang mga ginapauli nga ganansya kag bayad-utang.

Natabo sa Asia, Africa, Latin America kag mga paatras nga pungsod sa daan nga blokeng Sobyet ang malaparan nga pagkaguba sang mga pwersa sa produksyon. Madugay sang ginaipit ang mga ini sang krisis sang sobrang produksyon sang hilaw nga materyales kag mga basehan nga produktong industriyal kag ginabayong sang nagapadaku nga pangguwa nga utang kag labi pa sang ispekulasyon sa kwarta, aksyon sa kapital kag bono.

Naglab-ot na sa pagsadsad kag istagnasyon sang ekonomiya ang pila ka “bag-o nga nagaindustrialisa nga ekonomiya” sadtong dekada 1970 subong man ang pila ka “nagalutaw nga balaligyaan” sadtong dekada 1990 (yadtong ara sa produksyon sang mga mala-manupaktura nga pang-eksport nga may mga manubo nga dugang nga balor ukon simple nga nagabaligya sang mga produktong pangkonsumo halin sa mga imberyalistang pungsod sa matag-as-tag-as nga 10% sang katilingban).

Kapin 80% sang katauhan ara sa ikatlong kalibutan kag mga paatras nga pungsod sang daan nga blokeng Sobyet. Sila ang nagapanguna nga ginalapdos sang malaparan nga disempleado, tuman kanubo nga kita, mabug-at nga indi-direkta nga buwis kag makabuluktot nga palas-anon nga utang. Ginaagyan nila ang pinakamalala nga kaimulon bunga sang pagpamigos kag pagpanghimulos sang mga imberyalista kag lokal nga reaksyunaryo. Nagadugang ang paglunsar nila sang mga protestang masa kag rebolusyonaryo nga pagbato.

Nagadabadaba ang rebolusyonaryo nga armadong paghimakas sa

Colombia, India, Mexico, Nepal, Palestine, Peru, Pilipinas, Turkey kag iban pa nga lugar. Bisan man, sa pila ka pungsod, ang mga reaksyunaryong hubon mapintas nga nagaawayan kag nagabandera sang pinakareaksyunaryong mga islogan—sobinista, relihiyoso nga fundamentalista, tribalista ukon etnosentrista, rasista kag mga kapareho sini. Diin man nagatuhaw ang mga ini, pwede hingalitan sang mga proletaryong rebolusyonaryo ang masingki nga banggianay sa kubay sang mga reaksyunaryo agud iabanse ang rebolusyonaryong kahublagan.

Sadtong panahon sang Cold War, inarmasan kag gin-gamit sang US ang pinakareaksyunaryong mga pwersa agud atakehon ang mga rebolusyonaryong pwersa kag pumuluyo. Pila sa mga reaksyunaryong pwersa nga ini, labina ang pila ka fundamentalista nga grupong relihiyoso, nagwaslik na subong kontra sa US bilang daku nga yawa matapos mabungkag ang Soviet Union. Sa ila ginaakusar sang US ang mga atake sadtong Setyembre 11.

Ang US nagaduda ukon kontra sa pila ka estado. Isa ka punto nga komun sa mga estado nga ini ang ila pagka mapaggil-ot ukon huyog nga mangin mapaggil-ot sang pungsudnon nga pagkinaugalingon sa lain-lain nga lebel. Upod sa mga ini ang China, North Korea (DPRK), Cuba, Libya, Iraq, Yugoslavia (sadtong dekada 1990), Afghanistan (sa idalum sang Taliban), Iran kag Syria.

Kon kaisa, ang mga estado nga ini direkta nga nagapusision nga kontra-imperialista base sa prinsipyo ukon bilang praktikal nga tikang sa atubang sang lokal nga mga pangabay nga popular. Pero sa iban nga kahigayunan, ang mga pungsod nga ini hayagan man nga nagahandum sang mga kunsyon halin sa mga imperialistang pagginahum sa pila ka halambalanon, labina kaangot sang mga angtanay nga pang-ekonomiya kag pangbaligyaan.

Sining naulihi nga mga tion, partikular matapos ang Cold War, ang pinakadalagku nga gyerang agresyon ginlunsar kontra sa Iraq, Yugoslavia kag Afghanistan. Isa ka puntong komun sa natungdan nga mga gyerang agresyon sang US ang pagtinguha sang US nga pahugton ang kontrol sini sa mga ginapagkuhaan kag ruta sang suplay sang lana kag gas.

Makaagi ang mga atake sadtong Setyembre 11 kag ang daw kadalag-an sang gyerang agresyon sang US sa Afghanistan, direkta subong nga ginapaandaman sang US ang iban nga estado sa ngalan sang pagbato sa pangkalibutanon nga terorismo kag pagpugong sa paggamit sang mga sandata nga nukleyar, *biological* kag kemikal batuk sa US.

Ang US may pila ka listahan sang mga potensyal nga pungsod nga target sang mga pamugong nga atake. Isa sa mga listahan nga ini ang ginakabig nga “sentro sang kalainan” nga ginapasakupan sang Iraq, Iran kag North Korea. Isa pa ang listahan sang 11 pungsod (upod ang Pilipinas) nga indi kuno ukon wala ikasarang nga dunuton ang terorismo. Isa pa gihapon ang listahan sang mga pungsod nga may ara nga mga armas nukleyar (China) ukon may potensyal nga mag-angkon sini (North Korea, Iraq, Iran kag iban pa) kag kuno mahibal-an nga magagamit sang mga ini batuk sa US ukon mga alyado sang US.

Tubtob sa sining naulihi nakabilog pa ang US sang mga koalisyon sa kubay sang mga imperialistang pagginahum agud salakayon ang mga estado

**Sadtong panahon
sang Cold War,
inarmasan kag gin-
gamit sang US ang
pinakareaksyunaryong
mga pwersa agud
atakehon ang mga
rebolusyonaryong
pwersa kag
pumuluyo. Pila sa
mga
reaksyunaryong
pwersa nga ini,
labina ang pila ka
fundamentalista
nga grupong
relihiyoso,
nagwaslik na
subong kontra sa
US bilang daku nga
yawa matapos
mabungkag ang
Soviet Union.**

Pwersahan nga ginapabaton sa sahi nga mamumugon ang matag-as nga lebel sang disempleado, kawad-an sang kita, pagrumpag sang mga ginpakigbudlayan nga benepisyo kag ang atake sa mga kinamatarung nga pang-unyon kag demokratiko. Gani labina ginaduso ang mga mamumugon nga magbato kag makigbanggi sa sahi, paagi sa mga welga kag iban pa nga porma sang aksyong masa katimbang ang masang indi proletaryo.

nga target sang agresyon. Pero samtang nagalawig labi nga nagapusisyon kag nagaaksyon sang solo ang US. Ginalaragway sang subong nga unilateralismong ini sang US ang nagasingki nga mga kontradiksyon sa kubay sang mga imperialistang pagginahum.

Duna sa mga imperialistang pagginahum nga mag-apingay kontra sa komun nga pangontra (pareho sang mga pumuluyo kag mga pungsod nga ginapigos kag ginahimuslan nila, mga estado nga kontra-imperialista kag estadong sosyalista) ukon magbag-o-bag-o sang alinyaranay batuk sa isa kag isa sa banggianay para sa liwat nga pagtunga sang kalibutan, pareho sadtong bisperas sang Una kag Ikaduha nga Gyera nga Pangkalibuton sadtong ika-20 siglo sang mag-inagaway sila sang territoryo nga pang-ekonomiya kag sakop sang impluwensya.

Ginapatalupangod na sang subong nga nalab-ot sang krisis sang pangkalibutanon nga sistemang kapitalista ang kumpetisyon sa ekonomiya kag awayan sa pulitika sang mga imperialistang pagginahum. Ang mga imperialistang pagpakanokuno kag ang petiburges nga ilusyon sang isa ka ekonomiya nga pangkalibutan nga wala dulunan kag wala estado sa idalum sang bandera sang neoliberalismo ginabutigan sang mga polisa kag tikang nga proteksyunista sang nangunguna nga imperialista, ang US mismo.

Ang mga kontradiksyon nga pangpulitika sa kubay sang mga imperialistang pagginahum labi nga mabuyagyag kag magalutaw oras nga maglala ang polarisasyon sang mga kundisyon nga pang-ekonomiya kag pangkatilingban sa kada imperialistang pungsod kag kon gulpi nga magbugat ang presyur halin sa mga bagina sa mga malakolonya, mga dependyente nga pungsod kag mga pungsod nga nagatindog sa pagkinaugalingon. Ginahawan sang monopolyong burgesya ang dalan pakadto sa gyera paagi sa pagpangsulsol kag paggamit sang sobinismo, rasismo kag pasismo agud patalangon ang pumuluyo halin sa mga kontra-imperialista kag makasahi nga pagpakigbanggi ukon agud tagaan-rason ang brutal nga pagdaug-daog sa pumuluyo.

Nagainit ang kontradiksyon sa tunga sang monopolyong burgesya kag proletaryado sa mga imperialistang pungsod samtang nagalala ang pang-ekonomiya nga krisis. Pwersahan nga ginapabaton sa sahi nga mamumugon ang matag-as nga lebel sang disempleado, kawad-an sang kita, pagrumpag sang mga ginpakigbudlayan nga benepisyo kag ang atake sa mga kinamatarung nga pang-unyon kag demokratiko. Gani labina ginaduso ang mga mamumugon nga magbato kag makigbanggi sa sahi, paagi sa mga welga kag iban pa nga porma sang aksyong masa katimbang ang masang indi proletaryo.

Nakita naton ang kumulatibo nga pagdaku sang mga pangkabilugan nga welga kag mga aksyong protesta sang masa sa mga imperialistang pungsod halin sadtong 1989-91, sang isaulog sang mga imperialista ang disintegrasyon sang Soviet Union kag mga rebisyunistang rehimeng kag ang daku nga pagbuhin sa isip sang mga unyonisado nga mamumugon halin 1945 tubtob sa 1990.

Però tuga sang malaparan nga pagkaguba sang mga produktibong pwersa mangin sa mga imperialistang pungsod sa porma sang nagatag-as nga lebel sang disempleado, pagkaputo kag pagpangbu hin sa produksyon, madalum subong ang pangkatilingban nga diskuntento sang mga mamumugon nga may

ara kag wala pangabuhian, sang kababainhan, pamatan-on kag imigrante nga ara sa pinaka mga manubo nga klase sang trabaho. Ang pinakaulihi nga pagtipon sang duha ka milyong pumuluyo sa Rome kag iban pa nga bahin sang Italy agud iprotesta ang mga neoliberal nga polisa nga kontra-pumuluyo ang sa subong pinakadaku nga pagpakita sang rebolusyonaryo nga potensyal sa isa ka industriyalisadong kapitalista nga pungsod.

Indi makamiting sa ano man nga imperyalistang pungsod ang monopolyong burges nga mga negosyante kag pulitiko sang indi magatuga sang mga aksyong protesta sang masa. Nagtuga sang mga aksyong protesta sang masa ang mga miting sang Group of 8, sang OECD, European Union, IMF, World Bank, WTO kag iban pa nga entidad nga dominado sang mga imperyalista. Ang Engkwentro sa Seattle sadtong Nobyembre 1999 padayon nga nagahatag-inspirasyon sa pumuluyo nga maglunsar sang mga aksyong protesta batuk sa imperyalistang globalisasyon.

Pat-ud nga magasingki ang makasahi nga banggianay sa tunga sang monopolyong burgesya kag proletaryado samtang nagapalala ang pagpamigos kag pagpanghimulos sa proletaryado. Pat-ud nga magaangkon ini sang positibo nga interaksyon sa mga rebolusyonaryo kag kontra-imperyalistang paghimakas sang mga pigos nga banwa kag pumuluyo. Tanan nga rebolusyonaryong paghimakas isig sa mga mauswag kag atrasado nga pungsod pat-ud nga magaagom sang mas daku nga lang-at para mag-uswag kag magmaniobra samtang nagabanggianay ang mga imperyalistang pagginahum kag samtang nakabanggi man nila ang mga estado nga nagapanagil-ot sang pungsudnon nga pagkinaugalingon.

Sa tunga sang mabug-at nga krisis sang pangkalibutanon nga sistemang kapitalista, nga pangunahon nga ginatalalupangdon sang krisis sang US, wala pulos ang mga paandam sang mga imperyalistang US kag sang mga papet nila sa Pilipinas nga pagagamiton ang pwersa militar sang US kontra sa mga rebolusyonaryong pwersa kag pumuluyo. Nakita sang pumuluyo nga Pilipino ang ara sa likod sang mga paandam nga ini kag nahibal-an nila ang kagarukan sang pangkalibutanon nga sistemang kapitalista kag sang lokal nga nagaharing sistema kag ang bulnerabilidad sang mga ini bilang target sang rebolusyonaryong paghimakas.

Paborable nga Kahimtangan sa Pungsod

Ang Pilipinas isa ka malakolonyal kag malapyudal nga kabahin sang pangkalibutanon nga sistemang kapitalista. Ini isa ka imol nga pungsod nga indi industriyalizado. Ang kapin nga kadam-an sang pumuluyo nagakabuhi sa manubo sa US\$2.00 kada adlaw kag ang 40% nagakabuhi sa US\$0.75 ukon mas gamay pa kada adlaw. Kapin 85% nagakabuhi sa tuyung-tuyungan nga kaimulon. Bangud sa krisis sang pangkalibutanon nga sistemang kapitalista, ang lokal nga naghahari nga sistema sang dalagku nga kumprador kag agalon nga mayduta relatibo nga mas humapa sa krisis sangsa sa mga industriyalisadong kapitalistang pungsod.

Sa tunga sang mabug-at nga krisis sang pangkalibutanon nga sistemang kapitalista, nga pangunahon nga ginatalalupangdon sang krisis sang US, wala pulos ang mga paandam sang mga imperyalistang US kag sang mga papet nila sa Pilipinas nga pagagamiton ang pwersa militar sang US kontra sa mga rebolusyonaryong pwersa kag pumuluyo.

**Nagakapot ang
rehimeng
Macapagal-Arroyo
sa polisa nga pabor
sa globalisasyon
sang “mahilway
nga balaligyaan”
nga mandu sang US
kag mga ahensyang
multilateral (IMF,
World Bank kag
WTO), sa pihak
sang mga
makahalalit nga
epekto sang
subong sadto nga
polisa.**

Ang pagkambyo halin sa polisa nga maka-Keynesian pakadto sa neoliberal sa pagsakdag sang US kag mga ahensya nga multilateral pareho sang IMF, World Bank kag WTO nagakahulugan sang pagbuhin sa upisyal nga pautang nga konsesyunal. Ang direksyon itugyan sa mga dumuluong nga direktang pagpangapital ang mga nagaganansya nga linya sang negosyo kag halugon ang pangguwa nga pribado nga pautang para sa kapuslanan sang mga dumuluong nga monopolyo kag dalagku nga kumprador.

Halin sadtong naulihi nga babin sang dekada 1970, pagamay sang pagamay ang kita sang Pilipinas sa eksport sang hilaw nga materyales. Halin sadtong dekada 1990, ang mga order halin sa iban nga pungsod para sa lain-lain nga tipo sang mala-manupaktura nga may manubo nga dugang nga balor (mga bayo sadtong 1994 kag gin-asembol nga produktong elektronik sadtong 1996) isa-isa ka naggamay. Napunuan ang mga depisit sa baligyaanay sang mga remitans halin sa mamumugon nga kontraktwal sa iban nga pungsod kag dugang nga komersyal nga utang pangguwa.

Indi pa nakabawi ang ekonomiya sang Pilipinas halin sa krisis pangpinansya sadtong 1997 sa Southeast Asia, nga gintuga sang sobrang produksyon sang mga mala-manupaktura nga pang-eksport, sobra-sobra nga pribado nga konstruksyon sang mga biling ng pangtalatapan kag residensyal kag wala restriksyon nga importasyon sang mga luho kag pagguwa sang dumuluong nga kwarta.

Kinaandan nga ginapagamay sang reaksyunaryong gubyerno ang kwenta sa amot sang agrikultura sa kabiligan nga pungsudnon nga produksyon. Pero subong sobra naman ini nga ginabanta agud pagguwaon ang hiwat-pamensaron nga 3.7% pagdaku. Sa pagkamatuod, ginhalitan sang liberalisasyon sang import sa agrikultura ang produksyon nga agrikultural para sa lokal nga konsumo subong man para sa eksport.

Nagakapot ang rehimeng Macapagal-Arroyo sa polisa nga pabor sa globalisasyon sang “mahilway nga balaligyaan” nga mandu sang US kag mga ahensyang multilateral (IMF, World Bank kag WTO), sa pihak sang mga makahalalit nga epekto sang subong sadto nga polisa. Ginpaluya sang denasyunalisasyon, pribatisasyon, deregulasyon kag liberalisasyon ang ekonomiya kag subong man ang papet nga estado. Nangin kolektor na lamang sang buwis ang estado sa tunga sang pagkaguba sang ekonomiya kag katilingban.

Nagadaku ang depisit sa badyet. Ginabuhinan ang pangkatilingban nga gastos sa edukasyon, ikaayong lawas, pabalay kag impraistruktura samtang ginahatagan sang kapin nga prayoridad ang pagbayad sang utang kag gastos militar.

Matapos ang mga atake sadtong Setyembre 11, mahapos nga namanipula sang US ang rehimeng Macapagal-Arroyo agud mag-akto bilang pinakamasupog nga tagsakdag sang polisa nga agresyon kag pagpanghilabot militar sang US sa ngalan sang paglunsar sang pangkalibutanon nga atake sa terorismo.

Kabaylo sang mga promisa sang dugang nga direkta nga pagpangapital kag sangkapudyot gid nga ayuda militar kag pang-ekonomiya sang US, gintugutan na sang rehimeng lakip ang pagpartisipar sang mga pwersang

panggyera sang US sa mga operasyong pangkombat sa Pilipinas. Nagsulod na ang mga pwersang pangkombat sang US sa larangan sang away sa Basilan agud batuan kuno ang buyong nga grupong Abu Sayyaf.

Nagatinguhang rehimeng ipreparar ang opinyong publiko para sa pagsulod sang mas madamo pa nga tropang US kuno para sa isa ka wala talana nga serye sang mga gintingob nga ehrsisyong militar. Sa pagkamatuod nagpaandam na ang pinaka mga matag-as nga upisyal sang rehimeng pagagamiton ang gintingob nga mga pwersang US kag papet kontra sa Bagong Hukbong Bayan kag mga rebolusyonaryong pwersa sang Bangsamoro.

Ginahikay sang nagahari nga hubon nga Macapagal-Arroyo ang pumuluyo kag ginakabig sila nga wala respeto sa kaugalingon nga pungsudnon nga soberanya kag sa territoryal nga integridad sang kaugalingon nga pungsod. Ginapalagay sining tuman ka popular sang pagka maka-imperialista kag kontra-komunista ni Gng. Macapagal-Arroyo.

Sa subong sadto, nagasalig ini nga magpabilin sa poder tubtob sa kag lapaw sa 2004 paagi sa pagka todo-todong papet sang US kag pagsunod sa tanan nga mandu sini, labina sa mga halambalanon nga militar. Gani ang hubon labi nga napaidalum subong sa kontrol kag manipulasyon sang todo-todo nga maka-US nga mga upisyal militar.

Samtang nagadamo sila, ang mga pwersang militar sang US sa Pilipinas pat-ud nga magaagi sang mga kaswalti kag wala untat nga magapanghalit sa kabuhi kag ginapanag-iyahan sang mga Pilipino. Pat-ud man nga magapanghimulos sila kag magahiwat sang iban pa nga makangilil-ad nga krimen. Isa sila nga *time bomb* nga pwede nga maglupok sa dagway sang rehimeng.

Sa direksyon sang mga Amerikano nga manoglaygay militar, ginapasingki ang *psywar* sang militar kag pulis kag mga kampanya sang pagdaug-daog batuk sa mga rebolusyonaryong pwersa kag pumuluyo sa sulod kag guwa sang mga larangang gerilya. Bisan ang mga ligal nga aktibista kag mga organisasyong masa sang pungsudnon-demokratiko nga kahublagan ginabiktima sang lain-lain nga atakeng pisikal, upod ang pagkuot, tortury kag pagpatay. Lapnagon ang mga paglapas sa kinamatarung nga pangtawo.

Sunod sa mga yapak sang rehimeng Estrada, buraghil nga ginapatuman sang rehimeng Macapagal-Arroyo ang polisa sang todo-todo nga inaway kontra sa mga rebolusyonaryong pwersa nga ginapamunuan sang Partido Komunista ng Pilipinas kag ginatiglawas sang National Democratic Front of the Philippines sa negosasyon nga pangkalinungan.

Hayagan sining ginapanagil-ot nga buslon sang “back-channel talks” ang pormal nga estoryahanay nga pangkalinungan nga ginahiwat sang mga panel sa negosasyon. Ang pinasahi nga katuyuan sang rehimeng imandu sa NDFP ang mga kundisyon sang pag-ampo. Arogante ini nga nagahambil kag nagahulag sa paslaw nga pagtinguba nga pagtakpan ang dugang nga pagluya, pagkahamulag kag desperasyon sini.

Ang pang-ekonomiya kag pangkatilingban nga krisis sang nagahari nga sistema nagatuga sang wala kapareho nga krisis sa pulitika. Nagatalum ang masingki nga banggianay sang mga reaksyunaryo sa negosyo, pulitika kag

**Ginahikay sang
nagahari nga hubon
nga Macapagal-
Arroyo ang
pumuluyo kag
ginakabig sila nga
wala respeto sa
kaugalingon nga
pungsudnon nga
soberanya kag sa
territorial nga
integridad sang
kaugalingon nga
pungsod.
Ginapalagay sining
tuman ka popular
sang pagka maka-
imperialista kag
kontra-komunista
ni Gng. Macapagal-
Arroyo.**

Ginpatihan sang US kag mga lokal nga reaksyunaryo nga ang kontra-diktadura nga pagpapukan kay Marcos magatuga sang ilusyon sang pagbalik sang demokrasya. Pero sa kada rehimén labi nga nagalala ang permihan nga krisis sosyo-ekonomiko kag pangpulitika sang sistema tuga sang pagkatuta, korapsyon kag pagdaug-daog.

militar.

Halin sadtong naulihi nga babin sang dekada 1960, nagdalum kag naglala ang kawad-an sang ikasarang sang mga reaksyunaryong sahi nga maghari sa daan nga pamaagi. Ang pasistang diktadura ni Marcos isa ka desperado nga paghangyo nga upangan ang pag-abanse sang mga rebolusyonaryong pwersa. Pero ginbutang lamang sini sa katalagman ang bilog nga nagahari nga sistema kag ginduso ang paglapad sang rebolusyonaryong armado nga kahublagan.

Ginpatihan sang US kag mga lokal nga reaksyunaryo nga ang kontra-diktadura nga pagpapukan kay Marcos magatuga sang ilusyon sang pagbalik sang demokrasya. Pero sa kada rehimén labi nga nagalala ang permihan nga krisis sosyo-ekonomiko kag pangpulitika sang sistema tuga sang pagkatuta, korapsyon kag pagdaug-daog.

Ang istagnasyon sang malapyudal nga ekonomiya, ang nagapadaku nga depisit sa baligyaanay, ang madasig nga pagdaku sang lokal kag pangguwa nga utang pangpubliko kag nagapadaku nga pagkambyo sa mga utang komersyal nga may matag-as nga interes nakalimita sa balor nga ginakawat kag ginapagtunga-tungaan sang mga reaksyunaryong pakson sa pulitika.

Madamo sa mga upisyal sang militar kag pulisia napaksyun-pakson bangud sa mga magkabanggi nga babin sa pulitika kag pagdumala sang magkasumpong nga sindikatong kriminal nga umid sa *kidnap-for-ransom*, ismagling, iligal nga droga, prostitusyon kag sugal. Ang ila mga amo kag padrino nga pulitiko ang nagapabaskog sang buot kag nagasagod sa ila. Ginakabig nila nga tuman ka gamay ang ila sweldo subong sadto nga mas masami sila nga makabaton sang umento sangsa mga burukratang sibil.

Kapareho ni Marcos, ginpahalin si Estrada paagi sa pangpulitikang aksyong masa tigaylo sang ano man nga nakatalana nga konstitusyunal ukon ligal nga pamaagi—gusto silingon pagresayn, *impeachment* ukon panapanahon nga piniliay. Labi lamang nangin maathag ang indi-konstitusyunal kag iligal nga estado sang subong nga rehimén sa pagtum-ok sini sa punto nga indi ang direktang paghulag sang gamhanon nga pumuluyo ang nagpapungko diri sa poder, kon indi ang militar, simbahan kag ang sobrang aktibo nga korte suprema.

Sa kahadlok nga maghulag ang pumuluyo batuk diri, ginpangabay sang rehimén kanday daan nga pangulong Aquino kag Ramos, kay Cardinal Sin kag sa iban pa nga entidad nga magpahayag sang pagpamatuk sa ano man nga kahublagan nga masa agud pahalinon ang isa ka nakapungko nga presidente.

Ginadaman ang rehimén sa panawagan sang Partido para sa pagbilog sang isa ka malapad nga nagahiliugyon nga prente kontra diri bilang subong nga pangontra. Nahadlok man ang pinaka mga masupog nga reaksyunaryo sa pahayag sang Partido nga makatipon sang kusog ang mga rebolusyonaryong pwersa kag pumuluyo paagi sa sunud-sunod nga pagpapukan sa mga nagahari nga hubon tubtob sa mag-angkon nga ini sang bastante nga kusog agud pukanon ang bilog nga nagahari nga sistema, kadungan ang hangaway sang banwag naglab-ot na sa estratehiko nga hutong sang pangkabilugan nga opensiba.

Maglab-ot man sa 2004 ang subong nga rehimén, kay wala bastante nga

isip sang mga mahuyang kag temporayo nga alyado halin sa kubay sang mga reaksyunaryo agud makabilog sang isa ka malapad nga nagahiliugyon nga prente nga makapahulog diri, magapabilin sa bentahe nga pusisyon ang rebolusyonaryong kahublagan bangud labi ini nga magaangkon sang basehan kag inisyatiba sa pagbato sa rehimen nga padayon nga nagapanimaho.

Magapadayon kag magatalum ang mga kontradiksyon sa kubay sang mga reaksyunaryo. Kinahanglan nga maghimud-os sa pagbilog sang isa ka malapad nga nagahiliugyon nga prente batuk sa rehimen, ano man kahapos ukon kalawig bag-o mapukan ang rehimeng Macapagal-Arroyo. Ang pagtinguha nga magbilog sang nagahiliugyon nga prente makabulig sa pagdepensa kag pag-abanse sang mga basehan nga rebolusyonaryong pwersa. Tuman ka importante nga magpabaskog ang mga basehan nga rebolusyonaryong pwersa agud maseguro kag madugangan ang ila independensya kag inisyatiba sa sulod sang tayuyon nga nagauswag nga malapad nga nagahiliugyon nga prente.

Samtang padayon nga nagabaho ang rehimen tuga sang pag-alagdon sa US, pagpalala sang krisis pang-ekonomiya kag pangkatilingban kag pagka balingag, makatiliplang kag mapangdaog-daog, ginakoordina naman sang Partido ang rebolusyonaryong armado nga paghimakas kag ang nagahiliugyon nga prente agud maghatag sang mga pamatay nga bunal sa rehimen.

I V Pasingkion kag iabanse ang inaway banwa

Bangud may ara sila nga hangaway sang banwa, may instrumento ang pumuluyo nga Pilipino sa pag-abanse sang ila pungsudnon kag demokratiko nga mga kinamatarung kag interes. Ginalauman nila nga mahilway ang kaugalingon halin sa saklot sang imperyalismong US kag mga manoghimulos nga sahi kag mag-agom sang dalagku nga kadalag-an, halin sa bag-ong-demokratiko nga hut-ong tubtob sa sosyalistang hut-ong sang rebolusyonong Pilipino.

Wala hinalung-on ang US kag mga lokal nga reakyunaryo nga nagaserbi sila sa pumuluyo nga Pilipino sa kada pag-atake nila sang bug-os kangil-ad kag bug-os kapintas ang mga rebolusyonaryong pwersa kag ang pumuluyo kag kada nagapaandam nga dugangan pa ang pag-atake.

Armadong rebolusyon ang sabat sang Partido, hangaway sang banwa, nagahiliugyon nga prente, mga organo sang pagginahum nga pangpolitika kag mga organisasyong masa sa armado nga kontra-rebolusyon. Ginapasaka nila ang lebel sang ila desisyon kag ikasarang nga magbato sa nagapalala nga mga atake sang pangontra, upod nga ang paandam sang dugang nga pagpanghilabot kag agresyong militar sang US.

Kapareho sa Vietnam kag sa bilog nga Indochina sa diin nalutos ang gyerang agresyon sang US, dapat mangin preparado kita nga gamiton ang pangkatilingban kag pisikal nga tereyn sang Pilipinas agud makapaghatac sang malala nga kahalitan sa nagapangsakop nga pwersang US kag maglunsar sang mga aksyong pangslot batuk sa mga pang-ekonomiya kag kaangot nga interes sang US.

Kapareho sa Vietnam kag sa bilog nga Indochina sa diin nalutos ang gyerang agresyon sang US, dapat mangin preparado kita nga gamiton ang pangkatilingban kag pisikal nga tereyn sang Pilipinas agud makapaghatac sang malala nga kahalitan sa nagapangsakop nga pwersang US kag maglunsar sang mga aksyong pangslot batuk sa mga pang-ekonomiya kag kaangot nga interes sang US.

Ginatinguhua naton nga punganang interbensyon kag agresyong militar sang US. Pero kon indi naton ini mapunggan, dapat kita magbato sang sampaton kag agumon paagi sa inaway sang pungsudnon nga pagpahilway ang malawig nga na naisol nga hustisya para sa 1.4 milyong Pilipino nga ginpatay sang US sang sakupon sini ang Pilipinas halin 1899 tubtob sa 1916 kag para sa indi maisip nga Pilipino nga ginbiktima sang pagpanghimulos kag sang buraghala pagpangawat sang US sa tuman ka laba nga tion.

nga interes sang US.

Dapat naton himuong ang tanan agud sakdagon ang pungsudnon nga soberanya sang pumuluyo nga Pilipino kag ang territoryal nga integridad sang Pilipinas. Ginatinguhua naton nga punganang interbensyon kag agresyong militar sang US. Pero kon indi naton ini mapunggan, dapat kita magbato sang sampaton kag agumon paagi sa inaway sang pungsudnon nga pagpahilway ang malawig nga na naisol nga hustisya para sa 1.4 milyong Pilipino nga ginpatay sang US sang sakupon sini ang Pilipinas halin 1899 tubtob sa 1916 kag para sa indi maisip nga Pilipino nga ginbiktima sang pagpanghimulos kag sang buraghala pagpangawat sang US sa tuman ka laba nga tion.

Bisan san-o indi ginkahadluhan sang mga rebolusyonaryong pwersa kag pumuluyo ang pwersa militar sang US, upod nga ang mga malapad masangkad nga base militar sang US sadtong panahon sang pasistang diktadurang Marcos, bangud nagapanguna na, may ara sila nga Bagong Hukbong Bayan nga ginapamunuan sang Partido kag nagahimud-os sa estratehikong linya sang malawigan nga inaway banwa.

Napamatud-an na sang BHB nga masarangan sining mapabilin kag dugangan ang pwersa sini batuk sa mga malala nga upang pareho sang pasistang diktadurang Marcos, presensya sang mga base militar sang US kag sang nagadaku nga suplay sang armas gikan sa US halin 1972 tubtob sa 1986. Sobra sa daan ang estratehiko nga paghikay naton sa imberyalismong US bangud mas humapa sa krisis kag mas unat nga unat ini subong, kag sa mga lokal nga reaksyunaryo bangud mas mahuyang kag mas bangkarote ang ila sistema.

Epektibo ang *high-tech* nga pagginahum militar sang US sa pagpaandam kag sa aktwal nga pagguba sa mga nakapirme kag hayag nga mga istruktura sang mga target sining gubyerno sang iban nga pungsod. Pero indi ini epektibo kontra sa malawigan nga inaway banwa, nga madinalag-on nga nalunsar sa China, Indochina kag iban pa nga lugar. Agud seryoso nga batuan ang pumuluyo nga Pilipino, pagakinahanglanon sang US nga magpadala sang madamo pa nga tropang pangkombat sa Pilipinas kag pabay-an sila nga mag-atubang sa katalagman nga mag-agom sang mga kaswalti.

Ginakaptan sang Partido kag sang pumuluyo ang BHB bilang nagapanguna nga instrumento sa paglutos sa pangontra, pagtukod sang baseng masa sa kaumhan, pagganyat sa tanan nga organisasyong masa kag mga kampanyang masa para sa kapuslanan sang pumuluyo kag agud garantiyahan ang pag-uswag sang rebolusyonaryo nga paggubyerno-sa-kaugalingon sang pumuluyo paagi sa mga demokratiko nga organo sang pagginahum nga pangpulitika.

Dapat magrekulta sang mga Pulang hangaway halin sa mga lokal nga milisya kag organisasyong masa. Dapat sistematiko nga ilunsar ang pulitiko-militar nga paghanas sang mga Pulang kumander kag hangaway. Dapat man nga padamuon kag hanason ang mga tinawo nga kinahanglan sa lain-lain nga departamento sang BHB samtang nagalapad kag nagasingki ang inaway banwa.

Dapat hatagan sang BHB sang pamatay nga mga bunal ang imberyalistang US kag mga papet nga pwersang militar kag pulis, ano man kasaklaw ang

pagpanghilabot kag agresyon sang US batuk sa pumuluyo. Ang pamaagi agud makapabaskog ang BHB ang pagdugmok sa mga pwersa sang pangontra kag pagkuha sang mga armas kag iban pa nga pagkabutang nga panggyera gikan sa ila.

Subong man, ang Partido dapat magbilog sang pangkabilugan nga plano kag magpaggwu sang ubay para sa BHB sa mga larangang gerilya agud padakuon ang kusog-hinganiban sini paagi sa mga taktikal nga opensiba pareho sang mga pagpang-aresto, mga reyd kag mga ambus.

Ang BHB dapat padayon nga maglunsar sang lapnagon kag masunson nga gerilya nga pagpakig-away base sa nagpalapad kag nagapadalum nga baseng masa. Sa idalum sang sentralisado nga pagpamuno sang Partido, dapat may desentralisado nga operasyon sa hangaway sang banwa.

Dapat ilunsar sang BHB yadto lamang nga mga taktikal nga opensiba nga pat-ud nga mapadaog. Dapat sining padakuon ang kusog-hinganiban paagi sa mga taktikal nga opensiba kag kadungan sini magpauswag sang baseng masa, nga sa lapad kag dalum indi masarangan nga waskon sang pangontra.

Agud palig-unon kag palaparon ang baseng masa, dapat pauswagon sang Partido kag hangaway sang banwa ang mga lokal nga aktibista para sa dugang nga pagpamuklat, pag-organisar kag pagpahulag sa masa. Indi bisan san-o mangin bastante ang isip sang mga kadre kag katapu sang Partido sa rebolusyonaryong hilikuton, maluwas kon pagadugangan sang mga lokal nga kadre sang Partido, mga aktibistang masa kag sang masa ang ila pagtinguha kag magahulag sila sang nagasalig sa kaugalingon.

Samtang nagasingki kag nagaabanse ang inaway banwa, nagadaku ang kinahanglanon sa hangaway sang banwa kag sa kaumhan para sa mga kadre kag katapu sang Partido halin sa mga mamumugon kag pamatan-on nga nakatuon. Ang subong sadto nga mga kadre dapat buyukon sang Partido kag iasignar sa kaumhan halin sa kasyudaran. Pila ka adlaw, ang mga kadre nga ini halin sa kasyudaran makapadali sa pag-agaw sa mga syudad sa kadalag-an sang estratehiko nga linya sang paglikup sa kasyudaran halin sa kaumhan.

Ginapauswag kag ginakoordina sang Partido ang tanan nga porma sang paghimakas, bisan ginakabig sining nagapanguna nga porma sang pag-agaw sa pagginahum nga pangpolitika ang armadong paghimakas. Kinahanglan ang tanan nga porma sang paghimakas agud mapapartisipar ang tanan nga klase sang mga pwersa sa pagbato kag paglutos sa pangontra.

Nagalaom ang Partido nga paagi sa padayon nga pagbilog sang BHB kag paglunsar sang inaway banwa, maganyat ang iban nga pumuluyo sa kalibutan nga magpasingki kag maglunsar sang armadong rebolusyon kag iban pa nga porma sang paghimakas. Ang pagpanghimulos kag pagpamigos sa mga pumuluyo sang kalibutan naglala kag nagsobra na sang husto sa pagluntad sang globalisasyon sang “mahilway nga balaligyaan” kag mga imperyalistang gyerang agresyon. Gani magalapnag ang armadong rebolusyon sang mas madasig sangsa daan. Ang sosyo-ekonomiko nga pagkaguba, pangpolitikang kagamo kag mga gyerang agresyon ang panguna sang rebolusyon pangkatilingban. **AB**

**Ang
pagpanghimulos
kag pagpamigos sa
mga pumuluyo
sang kalibutan
naglala kag
nagsobra na sang
husto sa pagluntad
sang globalisasyon
sang “mahilway
nga balaligyaan”
kag mga
imperialistang
gyerang agresyon.
Gani magalapnag
ang armado nga
rebolusyon sang
mas madasig
sangsa daan.**